

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XLI Blg. 8
Abril 21, 2010
www.philippinerevolution.net

Editorial

Panghawakan ang inisyatiba sa napipintong pagsambulat ng krisis pampulitika


Nakaambang sumambulat ang matinding krisis ng naghaharing sistemang pampulitika. Lalong si-sidhi ang galit ng mamamayan at ang tunggalin ng magkakaribal na reaksyunaryong paksyon sa mga plano ni Gloria Arroyo na dayain o idiskaril ang nalalapit na eleksyon. Sa harap ng malawak at malalim na kaguluhan sa hanay ng mga reaksyunaryo, dapat panghawakan ng mamamayan at mga rebolusyonaryong pwersa ang inisyatiba sa pulitika at ibayong isulong ang rebolusyong Pilipino.

Kaliwa't kanan ang mga palatandaan na nakatuon ngayon ang pagsisikap ni Arroyo at kanyang mga kasapakat sa planong pagpalya ng "automated" na eleksyon. Sa harap ito ng kahirapang ilusot ang pagpanalo sa kanyang nangungulelat na manok sa pagkapresidente. Mismong matataas na upisyal ng Malacañang ang nagbabala na hanggang 30% ang posibilidad na pumalya ang dekompyuter na pagbibilang ng boto. Sa-

anman ito mangyari, maaari naman diumanong bumaling sa mano-manong pagbibilang.

Subalit ang pinangangambahan ng marami ay ang pagsangkalan ng kaguluhan sa pagbibilang na hahadlang sa proklamasyon ng presidente, bise presidente at mga senador hanggang Hunyo 30. Kapag nagkagayon, tiyak na igigiit ni Arroyo ang pagpapatuloy ng kanyang paghahari bilang "presidenteng pantransisyon."

Mas nagtutuan ngayon si Arroyo ng malaking atensyon at rekursong pangkongreso, sa sariling kampanya sa pagkakongresista sa Pampanga, at sa mga maniobra niya pagkatapos ng eleksyon. Pinababayaan na niya at di na binabahagian ng pondong pangkampanya ang mga kandidato ng partido niya sa mga pambansang antas at lokal ng pamahalaan. Nagbubunsod ito ngayon ng malawakang sama ng loob at pagkakalasan sa naghaharing partidong Lakas-Kampi-CMD. Layunin ni Arroyo na kontrolin ang bagong Kongreso upang maiupo ang sarili bilang Speaker. Gagami-



Mga tampok sa isyung ito...

Kilos-protesta sa Hacienda Luisita
PAHINA 3

Rebolusyong agraryo, umaagapay sa digma
PAHINA 6

Operation Green Hunt sa India
PAHINA 9

tin ang pusisyong ito upang itulak ang pagbabago ng konstitusyon at malao'y iluklok ang sarili bilang Punong Ministro para tuluy-tuloy nang makapaghari.

Hawak na ni Arroyo ang karamihan ng mahistrado ng Korte Suprema. Kaya naman sa huli nitong pasya, pinaburan ang balak ni Arroyo na hirangin ang hahali-li sa magreretirong punong mahistrado, taliwas sa pagbabawal ng reaksyunaryong konstitusyon sa nakaupong presidente na maghirang dalawang buwan bago ng eleksyon hanggang matapos ang kanyang termino. Tutol ang iba't ibang sektor sa balak ni Arroyo dahil lalo lamang niyang magagamit ang Korte Suprema sa pagbibigay ng "ligal" na basbas sa kanyang mga maniobra at paghadlang sa pagpapanagot sa kanyang mabibigat na krimen sa bayan.

Ang aktwal na maniobra ni Arroyo ay malalantad mula sa mismong araw ng eleksyon. Anupaman ang maging takbo ng mga ito, tiyak na lalo lamang nitong gagatungan ang galit ng mamamayan at patitindihin ang paglaban ng mga reaksyunaryong karibal nito. Kaugnay nito, inihanda na ni Arroyo ang

Armed Forces of the Philippines (AFP) sa pamamagitan ng sistematikong pagpupwesto ng kanyang mga tapat na upisyal sa tuktok at mga susing kumand nito. Oras na kailanganin, maaaring pakilusin ni Arroyo ang mga ito upang suportahan ang kanyang mga maniobra at supilin ang mga tututol.

Ngayon pa ma'y nagbabanta na itong magdeklara ng batas militar sa mga lugar kung saan magkakaron ng mga "kaguluhan." Subalit sadyang nasasadlak ngayon ang AFP sa wala pang kaparis na tindi at lalim ng disgusto at rebelyon sa hanay ng mga karaniwang tauhan at mga nakabababang upisyal nito. Tiyak na lalo lamang itong palalain ng anumang hakbanging gamitin ni Arroyo ang AFP para sa pagpapalawig ng poder ni Arroyo.

Ang mga desperadong hakbanging ito ni Arroyo ay labis na pinangangambahan ng imperyalismong US, gayundin ng malalaking kumprador na negosyante sa Pilipinas. Batid nila na ang mga hakbanging ito ay lalo lamang magbubunsod ng kaguluhan at destabilisasyon sa papet na estado at hindi ito kakayaning sugpuin ni Arroyo. Para sa US, higit na mahalaga nga-

yon kaysa sa pagpapanatili sa poder ng kasalukuyang papet ang matuloy ang kapani-paniwalang eleksyon. Sa kabila ng mga pangako ng pangkating Arroyo na hindi nito ididiskaril ang eleksyon, nakahanda ang imperyalismong US na manghimasok sa hangaring pangalagaan ang katatagan ng naghaharing sistemang neokolonyal at ang pagpatuloy ng estratehikong interes nito sa bansa.

Ang mga maniobra ni Arroyo ay magpapasiklab ng malawak na galit at pagtutol ng mamamayan. Ngayon pa lamang, nagpapahayag na ang iba't ibang partido, kilusang progresibo, organisasyong relihiyoso at malawak na mamamayan ng kanilang kahandaang kumilos sa lansangan upang biguin ang mga pakana ng pangkating Arroyo.

Krusyal na usapin para sa mamamayan ang pagtiyak na mawawakasan na ang paghahari ng kinamumuhian nilang rehimeng US-Arroyo at maparurusahan ito sa ginawang korapsyon, kalupitan at pagtatraydor sa bayan. Mahigpit itong pinanghahawakan ng mga rebolusyonaryo at demokratikong pwersa sa pagharap sa iba't ibang pakana at maniobra ng naghaharing pangkatin.

Dapat nilang panghawakan ang inisyatiba sa pulitika upang matipon ang lakas ng mamamayan, biguin ang mga pakana ng pangkating Arroyo at maisulong ang kanilang demokratikong kapangyarihan at interes ng bayan.

Dapat mabilisang pukawin ang mamamayan, palawakin at palakasin ang mga organisasyong masa at ihanda ang mga ito sa kinakailangang mga pagkilos sa harap ng mabilis na pagpihit ng sitwasyon. Dapat buuin ang pinakamalawak na posibleng nagkakaisang prente upang tipunin ang lakas ng lahat ng pwersang anti-Arroyo. Dapat mabilis na sagpangin ang posibilidad na humantong ang sitwasyon



Taon XLI Blg. 8 Abril 21, 2010

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

www.philippinerevolution.net

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa: angbayan@yahoo.com

Nilalaman

Editorial:

Panghawakan ang inisyatiba sa napipintong pagsambulat ng krisis pampulitika	1
Kilos-protesta sa Hacienda Luisita	3
Patakarang pangangampanya, ipinatupad	4

Matatagumpay na opensiba ng BHB

Mga opensiba sa Mindanao	5
PNP-SAF, inambus sa Rizal	6
Rebong agraryo, kaagapay sa digma	6

Pananalanta ng pasistang estado

Hunger strike ng Morong 43	8
Pag-abswelto sa 2 Ampatuan, kinundena	8

Operation Green Hunt sa India	9
Paninira sa ILPS, kinundena	10
Mga manggagawa sa Europe, nagwelga	11

Balita	12
---------------	-----------

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas

sa malawakang pag-aaklas, laluna sa harap ng garapalang pagpipilit ni Gloria Arroyo na magpalawig ng poder lampas sa Hunyo 30.

Ang malawakang kaguluhan sa reaksyunaryong sistemang pampulitika ay dapat samantalahin ng mga rebolusyonaryong pwersa para isulong pang lalo ang digmang bayan sa buong bansa. Pakilusin ang mga rebolusyonaryong organisasyong masa sa kanayunan upang isulong ang mga pakikibakang agraryo at iba pang kilusang masa, masigasig na abutin ang mga bagong erya at palawakin ang saklaw, at matiyagang patatagin ang Pulang kapangyarihan.

Palawakin at palakasin ang mga rebolusyonaryong pwersa, demokrati-kong kilusan at kilusang protesta sa mga lunsod at sentrong bayan. Ibal-ing ang pagkakataong ito sa pagpapasigla at ibayong pagsusulong ng rebolusyonaryong kilusan sa malawak na saklaw.

Sa larangang militar, dapat masamantala ang pambihirang sitwasyon at panghawakan ng Bagong Hukbong Bayan (BHB) ang inisyatiba sa paglulunsad ng mga taktikal na opensiba sa buong bansa, kabilang ang ilang malalaking hambalos sa mga pinakasagadsaring kaaway, laluna sa paglaganap ng mga kaguluhan sa mga araw at linggo pagkatapos ng Mayo 10.

Lalong mapalalalim ng kumukulong sitwasyon ang kaguluhan at hidwaan sa hanay ng AFP kung haharapin nito ang kaliwa't kanang mga taktikal na opensiba ng BHB. Sa isang banda, sa pagkakatali nila sa mga taktikal na opensiba, mapahihina ang kakayahan ng AFP na maglunsad ng mga operasyon para supilin ang malawakang mga kilos-protesta ng mamamayan. Sa kabilang banda, sa pagiging abala nila sa pagsuporta sa mga maniobra ni Arroyo at kontra-manio-bra ng mga reaksyunaryong karibal, lalong luluwag ang malawak na kanayunan para sa pagragasa ng mga taktikal na opensiba ng BHB. AB

Kilos-protesta ng mga magsasaka ng Hacienda Luisita

Mula Abril 19 hanggang 24, maglalakad ang mga magsasaka ng Hacienda Luisita mula sa Tarlac tungong National Capital Region para igiit ang kagyat at walang kundisyong pamamahagi ng lupa na malaon nang ipinagkakait sa kanila. Iginigiit din nila ang hustisya para sa 17 biktima ng masaker noong 2004 at iba pang pinaslang sa pagsupil ng pakikibaka ng mga magsasaka sa hasyenda nitong nagdaang mga taon. Mahalagang ipaalala ang kawalang-hustisyang ito sa harap ng pagkandidato ni Benigno "Noynoy" Aquino III sa pagkapresidente nitong taon. Bahagi ang lakbayang ito ng nakatakdang mga aktibidad na pinagkaisahan ng mga magsasaka at kanilang mga tagasuporta sa Hacienda Luisita Summit na ginanap noong Abril 10-11.

Sa pahayag ng pakikiisa ni Jose Maria Sison sa naturang aktibidad, nagpugay siya sa kasigasigan at determinasyon ng mga magsasaka. Aniya, umabot sa kanila ang impormasyong malaking bahagi ng pondong pangampanya ni Aquino ay mula sa malalaking kumprador, despotikong panginoong maylupa, mga kumpanyang US at iba pang dayuhang korporasyon.

Kung mahahalal si Aquino, ani Sison, gagamitin niya ang kanyang pwesto para lubusan nang ipagkait ang lupa sa mga magsasaka. Ngayon pa lamang, pilit na niyang minamaliit ang mga pakikibaka ng mga magsasaka sa asyenda. Mismong ang kanyang mga kapatid at tauhan ang nagsasabing sang-ayon sila sa pagpapalit-gamit at muling pagklasipika ng mga lupain sa asyenda. Mapapawalambisa sa pamamagitan nito ang pagmamay-ari ng mga magsasaka at manggagawang bukid na kunwa'y may hawak ng mga sapi sa asyenda.

Sa gayon, hinimok ni Sison na puspusang ibunyag at labanan ang kasakiman at pagmamalupit nina Noynoy Aquino at ng kanyang pamilya sa mga magsasaka sa sarili nilang lupa.

Noong Abril 14, sinugod ng mga magsasaka ng Hacienda Luisita at mga aktibistang kabataan at estudyante ang bahay ni Noynoy at pamilyang Aquino sa Quezon City para ipanawagan ang hustisya para sa mga biktima ng masaker sa Hacienda Luisita, at kundenahin ang nagpapatuloy na pagsasamantala at pang-aapi sa mga magsasaka at manggagawang bukid sa asyenda at pag-iwas sa tunay na reporma sa lupa rito. Binatikos nila ang pagkukunwari ni Noynoy nang sabihin niyang kapag maupo siya sa Malacanang ay balak niyang ipamahagi na ang mga lupain sa asyenda pagdating ng 2014, kaya lamang ay kailangan pang bayaran ang utang ng nito.

Ayon sa mga nagprotesta, pinasinungalingan ito ni Fernando Cojuangco, pinakapinuno ng angkang Cojuangco at pinakamataas na upisyal ng Jose Cojuangco & Sons (ang punong korporasyon ng angkang Aquino-Cojuangco), na nagsabing walang anumang balak ang pamilya nila na bitiwang ang asyenda at ang nakatuntong ditong negosyo nila sa asukal. AB

Patakaran sa pangangampanya, mahigpit na ipinatutupad

Mahigpit na ipinatutupad ng Bagong Hukbong Bayan (BHB) ang mga patakaran ng Demokratikong Gubyerno ng Bayan tungkol sa mga pulitikong kumakandidato sa halalan ngayong Mayo 2010 at mga tagasunod nilang nangangampanya sa loob ng mga base at sonang gerilya.

Iloilo. Hinarang at dinisarmahan noong Abril 14 ng isang yunit ng Jose Percival Estocada Jr. Command (JPEC) ng BHB-Central Panay ang grupo ni Salvador "Badong" Divinagracia na nangangampanya sa Barangay Agcalaga, Calinog, Iloilo. Si Divinagracia ay tinyente koronel ng AFP bago siya magretiro at sumabak sa reaksyunaryong pulitika.

Nasamsam mula kay Divinagracia, mga badigard niyang pulis at kriminal na elemento ang siyam na armas na kinabibilangan ng apat na ripleng M16, dalawang pistolang kalibre .45, dalawang 9 mm Berretta at isang kal. 38 rebolber.

Capiz. Hinarang ng mga Pulang mandirigma ng BHB sa ilalim ng Nonito Aguirre Sr. Command sa Eastern Front-Panay ang isang grupo ng mga pulitiko noong Abril 16 sa pagitan ng Barangay Manayupit at Quinabunlan sa Maayon, Capiz. Pinabalik sila at pinagbawalang mangampanya habang hindi pa sila nakikipag-usap sa lokal na organo ng rebolusyonaryong gubyernong bayan. Nakumpiska sa isang pulitiko ang isang pistolang kalibre .45.

Davao Oriental. Inaresto ng mga Pulang mandirigma ng Wilfredo Zapanta Command-BHB sa Southern Mindanao Region (SMR) si Arfran "Boy" Quinones, isang despotikong pulitiko. Dinakip siya sa Sityo Kalatagan, Barangay Calapagan, Lupon, Davao Oriental noong Abril 11. Humaharap si Quinones sa tatlong kasong *murder*, *pan-darahas* at *pagmamantini* ng isang pribadong hukbo.

Pinauwi ang mga kasama ni Quinones pagkaraang madisarmahan. Pansamantalang pinalaya si Quinones noong Abril 14 sa batayang makatao.

Davao City. Inaresto at dinisarmahan ng Armando Dumanan Operations Command ng BHB. Noong Abril 11 ng gabi ang apat na myembro ng anti-komunistang grupong Bantay at Alliance for Nationalism and Democracy (ANAD) sa Barangay Tibuloy, Toril District sa Davao City. Nangangampanya sila sa loob ng sonang gerilya na walang pahintulot sa lokal na rebolusyonaryong awtoridad. Nakumpiska sa kanila ang isang pistolang 9 mm at isang kal. 38 rebolber.

Ang Bantay ay pinamumunuan ng berdugong heneral na si Jovito Palparan at ang ANAD ay pinamumunuan ng sagadsaring anti-komunistang si Pastor "Jun" Alcover.

Samantala, sinabi ng Regional Political Department ng BHB sa SMR na wala itong kinalaman sa pagdukot at pagpatay sa dalawang tagapangampanya ng ANAD-Bantay.


Ang dalawa ay dinukot sa Calinan District noong Marso 24 at natagpuang patay sa magkahiwalay na lugar matapos ang mahigit isang linggo. Anito, ang *death squad* ni Palparan ang may kagagawan ng karumal-dumal na krimen para maibintang ito sa BHB.

Surigao del Sur. Inaresto at dinisarmahan ng BHB ang kan-

didatong si Jessie Callano sa Sityo Kilayan, Barangay Malixi, Tagbina noong Abril 10, alas-4:20 ng hapon. Nakumpiska ang dalawang pistolang .45 mula sa badigard ni Callano. Pagkatapos ng 30-minutong negosasyon at pangaral, pina-kawalan din sila ng BHB.

Surigao del Norte. Dalawang kal. 45 pistola at isang KG9 *machine pistol* ang nasamsam kay Mayor Carlos Egay Sr. at mga badigard nito sa Barangay Lahi, Gigaquit noong Abril 15. Pumasok sila sa erya nang walang koordinasyon sa lokal na rebolusyonaryong awtoridad, ayon kay Jorge "Ka Oris" Madlos ng NDF-Mindanao. Pinayuhan ng BHB ang dalawang eskort na pulis na huwag nang sumama sa pangangampanya.

Samantala, ibinunyag ng Sergio Lobina Command ng BHB sa Eastern Samar ang pangingikil ni Urbano "Pater" Barbo mula sa mga kandidato, na isinasangkalan ang pangalan ng rebolusyonaryong kilusan. Si Barbo, isang konsehal sa bayan ng Balangkayan ay ahente ng Intelligence Service of the AFP. Ani Ka Rubio Manggubat, tagapagsalita ng komand, patuloy na binabatikos ng 8th ID ang BHB dahil umano sa paghingi ng bayad para sa "permit to win" pero ang tunay na mangingikil ay ang ahenteng militar na si Barbo at ang kanyang kriminal na gang. Sina Barbo ay nag-ooperet sa mga bayan ng Balangiga, Salcedo at Giporlos. Kasapakat niya sina Dodong Valbuena, na dati nang nangingikil gamit ang pangalan ng BHB, at isang nagngangalang "Mappy."



AB



Mga taktikal na opensiba sa Mindanao

Matitinding hambalos ang natikman ng mga armadong galamay ng rehimeng US-Arroyo mula sa mga yunit ng Bagong Hukbong Bayan (BHB) noong ikalawang linggo ng Abril.

Davao del Sur. Inambus ng BHB ang isang *patrol car* ng Philippine National Police (PNP) sa Sityo Mandawe, Barangay Sibulan, Sta. Cruz sa Davao del Sur noong Abril 13 bandang alas-10 ng umaga. Papauwi na ang mga pulis mula sa pagresponde sa aksyong harasment ng BHB nang ambusin sila. Nawasak ang kanilang sasakyan nang pasabugan ito ng mga gerilya at nasugatan si P/Insp. Rodrigo Tajos.

Agusan del Norte. Nagulantang ang mga sundalo sa kampo ng 23rd IB Patrol Base sa Barangay Pining, Butuan City nang bulabugin sila ng mga Pulang mandirigma noong alas-10:25 ng umaga ng Abril

12. Umatras ang mga gerilya matapos ang limang minutong putukan.

North Cotabato. Pitong sundalo ng Bravo Company ng 57th IB ang nasugatan nang salakayin sila ng mga gerilya ng BHB sa Barangay Binay, Magpet noong alas-10:45 ng umaga ng Abril 12. Papunta sa sentrong bayan ang mga sundalo nang paulanan ng bala ang kanilang sasakyan.

Noong araw ding iyon ay sinunog at nasira ng isang yunit ng BHB ang isang *spray truck* ng dayuhang kumpanyang Dole Stanfilco sa Barangay Balatucan, Makilala.

Sa Makilala pa rin, pinasabugan ng eksplosibo noong Abril 11 ang sasakyang may lulan ng mga ele-

mento ng Scout Ranger Company na nakabase sa Barangay Batasan ng naturang bayan.

Davao City. Napatay ang limang sundalo at di mabilang ang nasugatan nang ambusin sila ng 1st Pulang Bagani Company (1st PBC) ng Merardo Arce Command-BHB noong Abril 11 sa Sityo San Isidro, Barangay Lumiad, Paquibato District. Nagpapatrulya ang mga sundalo nang tambangan sila bandang alas-7 ng umaga.

Ayon sa ulat ni Ka Simon Santiago, direktor pampulitika ng Regional Political Department ng BHB sa Southern Mindanao Region, habang naglalabanan ay dumating ang dalawang helikopter na MG-520. Ngunit napilitang umatras ang mga ito nang pagbabarilin at tamaan ang isa ng mga isnayper ng 1st PBC. Naiwanan na lamang sa lugar na pinaglabanan ang mga patay at sugatan ng kaaway.

Nakasamsam ang BHB ng isang M16 at isang M203 at nadakip nila ang isang K-9 *bomb sniffing dog* (sinanay na aso). Bandang huli, pinakawalan din nila ang aso.

Sa Compostela Valley. Napatay si Sgt. Marlon Salva ng 72nd IB nang manlaban ito sa tim ng BHB na inatasan ng hukumang bayan na umaresto kay Salva sa Sityo Sambayanon, Barangay Kamantangan, Montevista noong Abril 10.

Si Salva ang kumander ng detatsment ng 72nd IB at kabilang sa mga aktibong operatibang paniktik ng 3rd Special Forces Battalion ng Eastern Mindanao Command ng AFP.

Nasamsam sa sarhento ang dalawang pistolang kalibre .45 at ang *mission order* ng 10th Military Intelligence Battalion na pirmado ni Capt. Glenn Loreto T. Caballero ng 103rd MIG-AFP.

Sagadsaring tirador, pinarusahan

Inaresto at ginawaran ng parusang kamatayan ng Pulang Limbaong Platoon ng Jose Percival Estocada, Jr. Command ng BHB-Central Front si Leyne Leysa, 52. Si Leysa ay isa sa mga badigard ng dating upisyal ng militar at pulitikong si Salvador "Badong" Divinagracia. Kasama siya sa mga hinarang ng BHB dahil nangangampanya sila na walang koordinasyon sa lokal na rebolusyonaryong awtoridad noong Abril 14 sa Barangay Agcalaga, Calinog, Iloilo.

Si Leysa ay naging *hitman* ng Task Force Iron Eagle ng Regional Special Action Force na pinamunuan ni Maj. Rolando Maclang sa Metro Iloilo City noong kalagitnaan ng dekada 1980. Siya ang pumatay sa aktibistang si Rodolfo Laporga (Ka Sonny) nang mahuli ito. Sangkot siya sa kasong *kidnap-for-ransom* at pagpatay sa negosyanteng Roberto Cokin sa Bacolod City noong 1995; brutal na pagpatay kay Johnny Tugado, Court Sheriff ng Oton, Iloilo; pagpatay sa isang drayber ng traysikel sa Jaro District at maraming iba pa. Pinarusahan siya batay sa matagal nang atas ng hukumang bayan. **AB**

Rebolusyong agraryo, umaagapay sa armadong pakikibaka

Umaagapay ang rebolusyong agraryo sa umiigting na armadong pakikibaka sa buong bansa habang hinaharap ng Partido, BHB at mga rebolusyonaryong pwersa nito ang pinakamalupit at pinakamatalagal na kontra-rebolusyonaryong kampanyang Oplan Bantay Laya (OBL 1 at 2).

Sa NEMR. Nakayanang harapin ng armadong rebolusyonaryong pwersa at mamamayan sa North-eastern Mindanao Region (NEMR) ang walang habas na pang-aatake ng limang batalyon ng 10th ID ng Philippine Army nitong nakaraang tatlong taon dahil sa matagumpay nitong pagsusulong ng rebolusyong agraryo. Napanghawakan nito ang tatlong sangkap ng digmang bayan (pagbubuo ng hukbong bayan, pagtatayo ng baseng masa at

paglulunsad ng rebolusyong agraryo) at matagumpay na nabigo ang OBL sa rehiyon.

Iniulat ng Pulang Diwata Command ng BHB-NEMR na umaabot sa 43,394 pamilyang magsasaka ang nabiayaan sa pagpapatupad ng tunay na reporma sa lupa. Saklaw nito ang 247 baryo sa iba't ibang munisipalidad sa loob ng mga larangang gerilya. Malayang nakapagsasaka roon ang 18,056 pamilyang magbubukid sa loob ng mga

konsesyon ng trosohan na dating nagkakait sa kanila ng lupang mabubungkal.

Sa proseso ng pakikibakang antipyudal, matagumpay na naibaba ang upa sa lupa at mga kagamitang pang-agrikultura at 10,998 pamilyang magsasaka ang nabiayaan dito. Nabenepisyuhan din ang 6,250 pamilyang magsasaka sa pagtaas ng presyo ng kanilang mga produktong kopra, abaka, saging, yantok at *falcatta*. Naibaba rin ang tantos ng interes sa pautang at 1,321 pamilyang magsasaka ang naging benepisyaryo nito.

Lalo pang bibilis at lalaki pa ang maaaning mga tagumpay sa rehiyong ito kung lubusang maaalpasan ang mga hibo ng konserbatis-mo sa pagsusulong ng rebolusyong agraryo at pagbubuo ng baseng masa. Sa gayon, maaabot nito ang target na doblehin sa susunod na limang taon ang bilang ng mga

11 armas, nasamsam sa ambus sa Antipolo

Apat ang napatay at lima ang malubhang nasugatan sa siyam-kataong tim ng 34th Special Action Company ng 3rd Battalion ng Special Action Force-PNP sa ambus na isinagawa ng mga Pulang mandirigma ng Narciso Antazo Aramil Command (NAAC.) Isinagawa ang ambus noong Abril 20 bandang alas-6 ng umaga sa Sityo Kaysakat, Barangay San Jose, Antipolo City.

Nakasamsam ang mga Pulang mandirigma ng pitong ripleng M16, isang M203 *grenade launcher*, isang ripleng pang-isnayper at dalawang pistolang kalibre .45 sa naturang pananambang. Nakagaw din sila ng maraming dokumentong mataas ang kabuluhan sa paniktik.

Makaraan ang 15-minutong labanan, sumuko ang apat na nasugatang mga sundalo. Binigyan sila ng paunang lunas ng mga medik ng BHB. Pinalinawagan din

sila ng mga gerilya sa ipinaglalan ng rebolusyonaryong kilusan.

Samantala, ayon sa ulat-koresponsal sa *Ang Bayan*, limang aksyong militar ang inilunsad ng BHB sa Iloilo at Capiz noong Marso. Isang sundalo ng 82nd IB ang nasugatan sa operasyong isnayping ng BHB sa Barangay Juna, Tubungan, Iloilo noong Marso 13.

Bago ito, tatlong beses na hinaras ng mga Pulang mandirigma sa ilalim ng Napoleon Tumagtang Command-Southern Front ng Pa-

nay ang isang detatsment ng Re-engineered Special Operations Team ng 82nd IB sa Igcabugao, Igaras noong Marso 10. Ang mga pambubulabog ay nangyari noong alas-4:20 ng madaling araw, alas-10:40 at pasado alas-11 ng umaga. Sa kahihiyan, binalingan ng RSOT ang mga residente sa lugar. Tatlong araw na nagpasabog ng mga *rocket* na 81 mm mula sa helikopter na MG-520 at inistraping ang Sityo Bais gamit ang kalibre .50 *machine gun*.

Hinaras din ng isang pinaliit na iskward sa ilalim ng Jose Percival Estocada, Jr. Command ng BHB-Central Panay ang detatsment ng RSOT ng 47th IB sa Barangay Tacayan, Tapaz noong Marso 24 ng hapon. Katatapos lamang ng *clearing operations* ng Alpha Company nang maganap ang pagbulabog sa kaaway. **AB**

platung gerilya hanggang sa magkaroon ng tig-iisang platun saawat isa o dalawang munisipalidad.

Sa Eastern Visayas. Sa Eastern Visayas. Iniulat ni Fr. Santiago Salas, tagapagsalita ng National Democratic Front (NDF-EV) na tuluy-tuloy na sumusulong ang rebolusyong agraryo kaakibat ng mga tagumpay sa larangan ng armadong pakikibaka.

Bahagi ng programa para sa rebolusyong agraryo ang pamamahala at pagpapaunlad sa mga lupang kumpiskado at abandonado; sustenidong pagsusulong ng pagpapa-baba ng upa sa lupa at iba pang antipyudal na pakikibaka; pagpapaunlad ng produksyon at kabu-hayan para sa kapakinabangan ng baseng masa at ekonomya para sa gera.

Tungo sa pagpapasigla ng antipyudal na pakikibaka, dapat magpalawak sa kapatagan, sa mga plantasyon at iba pang lupain ng malalaking panginoong maylupa sa rehiyon, at pati sa mga linya ng transportasyon at komunikasyon. Makatutulong din ito sa kampanya laban sa gutom, karalitaan at militarisasyon na inilulunsad sa kasalukuyan.

Kaakibat ng pagsusulong ng rebolusyong agraryo ang pag-igting rin ng armadong pakikibaka. Noong 2008-2009, nakapagtala ng

143 taktikal na opensiba, nagdulot ng mahigit 180 kaswalti sa kaaway at nakasamsam ng 63 armas.

Mapag-iibayo pa ito sa susunod na mga taon. Tinatayang makapaglulunsad ng di bababa sa 100 taktikal na opensiba kada taon upang mabuo ang karagdagan pang 16-23 larangang gerilya.

Sa Negros. Nabigo ang naghaharing uri ng malalaking asendero't burukrata na sagkaan ang pagsulong ng rebolusyonaryong kilusan dito. Tuluy-tuloy ang paglawak ng rebolusyong agraryo kasabay ang iba't ibang kampanyang masa habang naglalagablab ang pakikidigmang gerilya sa halos lahat ng mga distritong kongresyunal ng isla. Niyyanig ang pundasyon ng pyudal na paghahari sa kanayunan sa patuloy na paglakas ng kilusang masalaluna sa pagpapatupad ng minimum na programa ng rebolusyong agraryo.

Ilang libong magsasaka at manggagawang bukid ang sama-samang nagbungkal at nagtanim ng palay, mais at iba pang produktong pagkain sa ilang bahagi ng asyendang nakatuon lamang sa pagtanim ng tubo at iba pang pang-eksport na produkto na kontrolado nonon ng mga panginoong maylupa. Libu-libo ring mga magsasaka ang naglulunsad ng mga aksyong masa at kampanyang masa laban sa malawakang eksplorasyon at operasyon ng malalaking kumpanya sa pagmimina.


Walang kasinlupit ang naging reaksiyon dito ng malalaking panginoong maylupa at *warlord* tulad nina Eduardo "Danding" Cojuangco, Alfredo Maraño Jr., Magdaleno Peña, Hermilio Teves, Jocelyn Limkachong at pamilyang Zayco ng Kabankalan City. Mula noong 2008, umaabot na sa 15 magsa-

saka at manggagawang bukid ang pinaslang ng militar at mga kasapakat nitong bandidong Revolutionary Proletarian Army (RPA). Mahigit 100 magsasaka na ang sinampahan ng mga panginoong maylupa ng mga gawa-gawang kasong kriminal sa mga kontrolado nilang hukuman. Ikinulong ang mahigit 50 magsasaka at maraming iba pa ang naging biktima ng iligal na pang-aaresto, pagpapahirap at pagbabanta sa kanilang buhay. Walang habas ding winawasak ng mga tropang militar at paramilitar ang mga proyektong produksyon ng pagkain at hayupan ng mga magsasaka.

Gayunman, ang matinding reaksiyong ito ng kaaway ay lalo pang nagpapatibay sa hangarin ng mamamayan. Umaabot na ngayon sa humigit-kumulang 100,000 mamamayan ang nagtatamasa ng kongkretong mga tagumpay mula sa rebolusyong agraryo. Marami rin ang nabi-yayaan ng mga proyekto sa pagpapaunlad ng produksyon, kalusugan, edukasyon, arbitrasyon o paglutas ng mga problema sa hanay ng mga mamamayan, pagpapairal ng katahimikan at kaayusan ng komunidad, sistema ng malinis na maiinom na tubig at irigasyon at iba pang sosyo-ekonomikong proyekto.

Sa kabila ng pagtatambak dito ng halos sampung batalyong regular at paramilitar ng rehimeng Arroyo, nakapaglunsad pa rin ng sampung taktikal na opensiba ang BHB kada kwarto mula 2008 hanggang unang hati ng 2010. Binabalak ngayon ng mga rebolusyonaryong pwersa sa isla na doblehin pa ang kasalukuyang armadong lakas at pasiglahin ang pakikidigmang partisano sa mga sentrong lunsod sa lahat ng distritong kongresyunal ng Negros.

Sa Cagayan Valley. Mahigit 400,000 magsasaka ang nabi-yaan ng rebolusyong agraryo, ayon kay Salvador del Pueblo, tagapag-



salita ng NDF-Cagayan Valley. Naibaba nang abereyds na 50% sa 11 bayan ng Cagayan at Isabela ang upa sa lupa, kagamitang pang-agrikultura at tantos sa usura. Itinaas ang mga presyo ng kaniyang produktong palay, mais at saging at ang arawang sahod ng mga manggagawang bukid.

Bunsod ng mga tagumpay na ito, nagkamit ng marami pang mga tagumpay ang digmang bayan sa rehiyon. Sa unang bahagi ng dekadang ito, nakapagbuo na ng mga pormasyong platun ang BHB sa rehiyon at tutuloy ito sa pagbubuo ng mga lakas-kumpanyang larangang gerilya.

Tiwala ang rebolusyonaryong armadong kilusan sa rehiyon na magkakamit ito ng mas marami pang tagumpay at ibayo pang susulong ang digmang bayan dahil sa mga tagumpay ng rebolusyong agraryo. Bagamat relatibong mahina pa ngayon ang kilusan sa rehiyon, tinitiyak nito na makapag-aambag ito sa pagpapaigting ng armadong pakikibaka sa buong bansa. Ang garantiya nito, ayon kay Del Pueblo ay ang esensyal na paghawak sa mahahaling aral sa pagsusulong ng rebolusyon tulad ng pagpapatupad ng rebolusyong agraryo, pagbubuo ng mga milisyang bayan at kwerpong pananggol ng sarili at pagpapaigting ng mga taktikal na opensiba.

AB




Hunger strike ng Morong 43

Sinimulan ng detenidong Morong 43 ang pagtangging skumain (*hunger strike*) noong Abril 13 bilang protesta sa pagkaantala ng kanilang paglipat sa kustodiya ng PNP. Sinuportahan sila ng iba't ibang progresibong organisasyon na nagmartsa sa Maynila kinabukasan. Naglunsad din ng *hunger strike* ang kanilang mga kapamilya sa Bantayog ng mga Bayani sa Quezon City.

Isa namang *noise barrage* ang inilunsad ng mga kaanak at kaibigan ng mga detenido nitong Abril 15 para igiit ang agarang paglipat ng mga detenido sa Camp Crame, punong himpilan ng PNP.

Matatandaang iniutos ng Morong Regional Trial Court



ang paglipat ng mga detenido ngunit thindi sila pinatuloy ng pulisya sa Camp Crame dahil masikip na raw ang piitan ng kampo. Ibinalik ng Philippine

Army ang mga detenido sa Camp Capinpin sa Tanay, Rizal.

AB

Pag-abswelto sa mga Ampatuan, kinundena

Umani ng matindi at malawak na pagkundena ang utos ni *acting* Secretary of Justice Alberto Agra na absweltuhin at palayain ang dalawang namumunong myembro ng angkang Ampatuan na akusado sa karumal-dumal na pagpatay sa 57 katao noong Nobyembre 23 sa Maguindanao.

Inabswelto ni Agra noong Abril 16 si Zaldy "Puti" Ampatuan, dating gobernador ng Autonomous Region in Muslim Mindanao (ARMM) at ang kanyang pinsan na si Akmad "Tato" Ampatuan Sr., dating *vice mayor* ng Mamasapano, Maguindanao sa kasong pagpatay. Wala umanong ebidensya laban sa kanila. Bago pa ito ay ibinasura na rin noong Marso 29 ang kasong rebelyon laban sa kanila.

Ayon kay Manuel Reblando, kapatid ng pinatay na reporter ng *Ma-*

nila Bulletin na si Alejandro "Bong" Reblando, si Agra ay tuta ni Gloria Arroyo at si Arroyo mismo ang nasa likod ng pagpapawalang-sala sa dalawang Ampatuan dahil sa kanyang utang na loob sa pamilya noong eleksiyong 2004 at 2007. Naniniwala ang mga pamilya ng biktima na tumanggap si Agra ng suhol mula sa mga Ampatuan. Kilala rin siya bilang isa sa mga tagapag-ayos ni Arroyo sa iba't ibang problema. Dating abugado rin siya ng mga Ampatuan sa mga usaping

pang-eleksyon. Minadali nina Arroyo ang pagpapawalang-sala sa mga Ampatuan para makuha pa rin ang suporta ng kanilang angkan sa nalalapit na eleksyon.

Naglunsad ng sunud-sunod na mga kilos-protesta ang pamilya ng mga biktima ng masaker at kanilang mga tagasuporta. Nagpetisyon din sila na ipagpaliban hanggang sa matapos ang eleksyon ang paglilitis.

Mismong mga pampublikong tagapag-usig ay nagpahayag ng malakas na pagkundena sa utos ni Agra. Ayon kay Chief State Prosecutor Claro Arellano, hindi totoo ang sinabi ni Agra na walang testigo laban kina Zaldy at Akmad Ampatuan. Aniya, maraming ebidensya ang nagpapatunay sa kasalanan ng dalawa at mayroong isang testigong positibong kumilala sa dalawa bilang kasabwat sa pagpapalano ng masaker.

AB



Operation Green Hunt at ang rebolusyon sa India

Gerang henosidyo laban sa rebolusyonaryong kilusan ng mamamayan

Kinukundena ng Partido Komunista ng Pilipinas, ng mamamayang Pilipino at ng rebolusyonaryong kilusan sa buong mundo ang "Operation Green Hunt," isang kontra-rebolusyonaryong digma na inilunsad ng reaksyunaryong gubyerno ng India laban sa armadong rebolusyonaryong kilusan at mga pambansang minorya sa loob ng bansa. Ang digmang ito ay bahagi ng teroristang gera na pinangungunahan ng US sa iba't ibang bahagi ng mundo, pangunahin saanman lumalaban ang mamamayan.

Pangunahing target ng Operation Green Hunt ang mga eryang mayayaman sa mineral tulad ng West Bengal, Jharkland, Orissa, Chhattisgarh, Andhra Pradesh, Bihar at Maharashtra. Ang mga lugar na ito ay binansagan ding "Red Corridor," dahil dito matatagpuan ang laganap at sumusulong ang rebolusyonaryong digma na pinamumunuan ng Communist Party of India (CPI)-Maoist.

Nitong nakaraang mga taon, maraming mga proyekto at operasyon sa pagmimina at iba pa ang naantala, kundi man tahasan nang napaatras dahil sa malakas ang paglaban ng mamamayan dito, na suportado ng People's Liberation Guerrilla Army at CPI-Maoist.

Sa mga lugar na ito matatagpuan ang mga deposito ng bakal, coal, ginto, dyamante, bauxite at uranium. Ang mga eryang ito ay itinuturing na paborable rin para tayuan ng mga *special economic zone*. Marami nang kasunduan para sa pagmimina ng mga dayuhan at lokal na kapitalista ang sinangayunan ng reaksyunaryong rehimeng Indian para sa mga erya na ito.

Mas marami pang erya ang

mayroon nang nag-ooperasyong mga kumpanya tulad ng Vedanta, Rio Tinto at Posco na malaon nang dumadambong sa natural na rekursong ng bansa.

Nitong nakaraang limang taon lamang, ang mga gubyerno ng Chhattisgarh, Jharkhand, Orissa at West Bengal ay lihim na nakipagkasundo sa mga dayuhan at lokal na kumpanya para sa bilyun-bilyong dolyar na halaga ng mga kasunduan para magtayo ng mga pagawaan ng asero, bakal at aluminyo, planta ng

kuryente, dam at mga mina. Upang mabigyan ng puwang ang mga kasunduang ito, pinalalayas ang mamamayan, karamihan ay mga pambansang minorya, at dinudurog ang kanilang mga organisasyon.

Operation Green Hunt

Upang kontrahin ang lakas ng mga gerilya, nagdeploy ng malalaking pwersang militar ang sentral na reaksyunaryong gubyerno ng India sa malalawak na erya sa estado ng West Bengal at Odisha. Dito, ipinatutupad ang malawakang paghuhulog ng bomba, gamit ang abanteng kagamitang militar mula sa US at Israel. Napakalinaw ng kutsabahan ng reaksyunaryong rehimen sa India at ng imperyalismong US sa Operation Green Hunt.

Sa ilalim ng Operation Green Hunt, lalong tumitindi ang pang-aatake sa kabuhayan at karapatan ng mamamayang nasa nabanggit na erya. Umaabot na sa 20 milyong magsasaka ang napalayas sa kanilang mga sakahan dulot ng *hamletting* (paghihigpit sa labaspasok ng mga tao sa isang lugar) at pagsosona. Laganap ang mga





pang-aabuso tulad ng tortyur at panggagahasa. Maraming mga komunidad ang sinusunog para ita-boy ang mga residenteng inaakusahang myembro o tagasuporta ng CPI-Maoist. Marami sa mga residente ang pwersahang pinatitira sa mga gwardyadong komunidad na tinatawag na "security camp" at nililimitahan ang pagkilos. Pinagbabawalan silang pumunta sa kanilang mga sakahan. Ang mga lumalabag dito ay awtomatikong binabari.

Ipinagkakait sa mga apektadong mamamayan ang lahat ng mga ligal na larangan, kabilang ang mga korte. Ipinagbabawal ang pagpasok at pag-uulat ng midya sa mga pangyayari sa lugar. Ginigipit at tinatakot ang mga organisasyon, kagawad ng midya, mga intelektwal, manunulat, mga alagad ng sining at iba pang progresibong tumututol sa Operation Green Hunt at sumusuporta sa paglaban ng mamamayang tinatarget nito.

Bilang tugon, tinutulungan ng CPI-Maoist ang mamamayan na organisahin at palakasin ang kanilang mga sarili. Naglulunsad sila ng mga kampanyang literasiya at pang-edukasyon sa pamamagitan ng pagtatayo ng mga eskwelahan. Nagbibigay sila ng mga kinakailangang serbisyong medikal. Nagtatatag sila ng mga yunit para sa sariling pagtatanggol at mga bag-as na pwersa para labanan at gapiin ang mga pang-aatake at pandarahas ng mga militar at paramilitar na pwersa ng estado na idineploy sa kanilang mga komunidad.

Inspirasyon sa PKP at sa buong mundo

Mahigpit na sinusubaybayan at hinahangaan ng mga rebolusyonaryo at ng PKP ang digmang gerilya at rebolusyonaryong kilusan sa In-

dia. Nagpupugay ito sa kanilang mga tagumpay. Ang bawat tagumpay nila ay ambag sa internasyunal na pakikibakang proletaryo at itinuturing ng PKP na sumusuhay sa pag-unlad ng

armadong pakikibaka sa Pilipinas at sa iba pang mga kilusang komunista at rebolusyonaryo sa buong mundo.

Hinihikayat ng kilusang armado sa India ang mamamayan sa buong mundo na tumindig at lumaban. Handa ang PKP na magbigay ng anumang tulong at suportang mga rebolusyonaryong Indiano para lalo pang sumulong ang kanilang pakikibaka. Bahagi ito ng proletaryong internasyunalistang tungkulin ng mga komunistang Pilipino.

Sa nakikita ng PKP, maaaring maging mayor na pwersa ang mga rebolusyonaryo at komunista sa India sa pagsusulong ng internasyunal na pakikibakang proletaryo dahil sa laki ng bansa at sinsin na ng inabot ng digmang bayan doon.



Higit sa lahat, mahalaga ito dahil nasa ilalim ito ng wastong proletaryong rebolusyonaryong gabay ng isang tunay na komunistang partido.

May potensyal itong dalhin ang pandaigdigang kilusang komunista sa bago at mas mataas na antas, katulad ng naging papel ng Russia matapos ang Unang Digmaang Pandaigdig hanggang dekada 1950 at ng China matapos ang Ikalawang Digmaang Pandaigdig hanggang 1970.

Itinuturing ng PKP ang CPI-Maoist bilang kapatid na partido. Mataas ang antas ng pagkakaisa ng dalawang partido sa larangan ng ideolohiya. Nitong nakaraang mga taon, nagkaroon na ng maraming pagkakataon upang magbahagian ng mga ideya at praktikal na karanasan ang mga ito. Gayundin, marami nang mga kumperensya ang dinaluhan nila kung saan pareho silang gumanap ng mahalagang tungkulin para sa pagpapalaganap ng Marxismo, Leninismo at Maoismo.

AB

Pang-iipit sa ILPS, kinundena

Mariing kinundena ni Prof. Jose Ma. Sison, tagapangulo ng International League of Peoples' Struggle (ILPS) ang akusasyon ng rehimeng Arroyo na ginagamit ng Partido Komunista ng Pilipinas (PKP) ang ILPS para magluwas ng mga kadre patungo sa India.

Kinundena rin ng PKP ang paratang na ito sa ILPS na anito'y malinaw na sulsol ng CIA para ipitin si Prof. Sison.

Ayon kay Prof. Sison, ang kasinungalingang ito ay pagtatangka ng rehimen na magkalat ng disimpormasyon laban sa ILPS, isang malawak na anti-imperyalistang aliyansa na kanyang pinamumunuan. Ginagamit lamang ng rehimen ang kwentong ito para pawalambisa ang istatus ni Sison bilang *political refugee*, ibalik siya sa listahan ng mga terorista, arestuhin at muli siyang idetine sa The Netherlands.

AB

Mga manggagawa sa Europe, nagwelga

Ilang beses na natigil ang mga byahe ng mga eroplano sa Europe bu-nga ng sunud-sunod na mga welgang inilunsad ng mga unyon ng pi-loto at empleyado laban sa tatlong pinakamalalaking airline sa Euro-pe simula ng 2010.

Mahigpit nilang tinututulan ang mga hakbangin ng mga kum-panya para magbawas ng gastos tulad ng tanggalan sa trabaho at pagpapako sa sweldo at bonus. Bu-nga naman ito ng pagpapatupad ng bawat guberno sa patakaran ng pribatisasyon at deregulasyon sa mga *airline*.

Nag-walkout ang 13,400 *cabin crew* ng British Airways (BA) noong Marso 27 hanggang Marso 30. Tinu-tutulan ng Unite, kanilang unyon, ang balak na pagbawas ng gastos sa operasyon ng naturang kumpa-nya. Pinakamatingkad dito ang pagpapako ng sweldo ngayong 2010, pagbabaling ng 3,000 regu-lar na istap sa pagiging *part-time* na empleyado at pagbawas sa laki ng *cabin crew* mula 15 tungo 14 pa-ra sa malalayong byahe.

Paralisado ang Heathrow Air-port, pangunahing paliparan sa Britain at isa sa pinakadinadagsa ng mga pasahero sa buong mundo. Umabot sa 1,100 byahe ang kinan-sela at £72 milyon (P14.9 bilyon) ang lugi ng BA.

Pagkatapos ng welga, napili-tang makipagnegosasyon ang kum-panya sa unyon ng mga manggaga-wa. Pagsapit ng Abril 4, may signi-pikanteng napagkasunduan ang magkabilang panig hinggil sa isyu ng pagpapako sa sweldo at pagba-bago sa bilang ng istap bawat bya-he kaya nagdesisyon ang unyon na ihinto muna ang pagwewelga.

Ikalawang aksyon na ito mula

nang ilunsad ang tatlong araw na welga noong Marso 20-22. Nagma-tigas ang BA sa kanilang pusisyon kaya inilunsad ang ikalawang wel-ga.

Ang BA ang ikaanim sa pinaka-malaking *airline* sa buong mundo at ikatlo sa buong Europe. Dati itong pag-aari ng guberno subalit isi-nailalim na ito sa pribatisasyon. Nang humagupit ang pandaigdi-gang resesyon, isa ito sa mga mga dumanas ng matinding pagkalugi na umabot ng £400 milyon noong 2009.

Sabay-sabay na pagwelga

Ang welga sa BA ay mahigpit na sinubaybayan ng mga unyon sa industriya ng *airline* sa iba't ibang panig ng mundo kabilang ang US, Australia, Germany at Spain.

Bilang pakikiisa, ang mga *cabin crew* ng Air France ay nagbantang sabay na maglulunsad ng apat na araw na welga mula Marso 28 hanggang 31. Tulad ng mga *cabin crew* sa BA, nilalabanan din nila ang hakbangin na pagbawas-gas-tos ng kumpanya. Sa takot ng Air France, napilitan itong ipagpaliban nang isang taon ang nasabing hak-bangin kaya hindi na itinuloy ang naturang welga.

Nagbanta naman ang mga pilo-to ng TAP Portugal Airlines na mag-welga ng anim na araw noong Mar-so 26 hanggang 31 para igiit ang 5.6% umento sa kanilang sweldo. Hindi na itinuloy ang welga nang



makipagsundo ang guberno na dagdagan ng 1.8% ang sweldo ng mga piloto at mga empleyado. Bu-kod dito, binigyan din ng sapi ang mga piloto at mga empleyado sa halagang katumbas ng matitipid ng kumpanya sa isasagawang malawa-kang pagtatanggal sa trabaho.

Nagbanta rin ang 4,000 piloto ng Lufthansa ng Germany na mu-ling maglulunsad ng apat na araw na welga sa Abril 13 hanggang 16 kung hindi papayag ang ma-neysment sa kanilang iginigiit na 6.4% umento sa kanilang sweldo. Nilalabanan nila ang plano ng kumpanya na ipako ang kanilang mga sweldo bilang hakbangin sa pagbawas-gastos. Anang mga pi-loto, handa silang tanggapin ito basta't gagarantiyahan ng kumpa-nya ang seguridad ng kanilang tra-baho.



Noong Abril 8, sa takot ng kumpanya na makalasap na naman ng malaking pagkalugi, napwersa itong makipagkasundo sa mga manggagawa na muling buksan ang negosasyon sa kontrata, kaya hindi na itinuloy ang balak na welga.

Naglunsad ng apat na araw na *walkout* ang naturang mga piloto noong Pebrero 24 hanggang 27 pero hindi pa rin nakipagkasundo ang nasabing kumpanya. Nagresulta ito sa pagkakansela ng daan-daang byahe sa iba't ibang bahagi ng mundo. Tinatayang umaabot sa 25 milyong euro bawat araw ang lugi ng Lufthansa.

Samantala, sa Italy, naglunsad din ng apat na oras na pambansang welga ang mga piloto, *flight attendant* at *baggage handler* ng Alitalia noong Marso 26. Pinoprotestahan nila ang planong malawakang tanggalan sa trabaho. Nagbunga ito ng pagkansela ng 146 na byahe, muling pag-iiskedyul at pagkaantala sa mga byahe sa mga airport ng Fiumicino sa Roma at Linate sa Milan.

Bago ito, noong Enero 2009 ay naglunsad na sila ng apat na oras na welga laban sa bagong kontrata at patakaran sa empleyo na ipinatutupad ng bagong maneydsment ng Alitalia matapos itong maisapribado. Mayroon na lamang itong 12,700 empleyado mula sa 23,500 bunga ng pribatisasyon. **AB**

Protesta ng mga doktor at kawani sa UP-PGH, lumalawak

UMAABOT na sa 104 na mga duktor, nars at kawani ng University of the Philippines-Philippine General Hospital (UP-PGH) ang pansamantalang lumiban sa trabaho bilang protesta sa panghihimasok ng rehi-men at sa plano nitong pribatisasyon ng ospital. Naglunsad sila ng paunang kilos-protesta noong Marso 29.

Pangunahing iginigiit nila na ibalik si Dr. Jose Gonzales bilang direktor ng PGH. Gusto nilang patalsikin si Dr. Enrique Domingo na illegal na hinirang ng UP Board of Regents na mamuno sa ospital. Kasabay nito, hinihiling din ng mga duktor at kawani na dagdagan ang badyet pangkalusugan nang sa gayon ay maitaas ang kanilang sahod at mapaunlad ang serbisyo ng PGH sa mamamayan.

Itinuloy ng mga duktor at kawani ang *mass leave* sa kabila ng banta ng Civil Service Commission na suspindihin sila kung ipagpapatuloy nila ito. Suportado ng ALL-UP Workers Union at ng Student Council sa UP Manila at Diliman ang kanilang *mass leave*.


Pakikialam ng mga sundalo sa eleksyon, kinundena

MARIING kinundena ng mga kandidato sa pagkasenador na sina Bayan Muna Rep. Satur Ocampo at Gabriela Women's Party Rep. Liza Maza ang ginagawang paninira ng mga sundalo sa kanila at sa mga progresibong partido.

Naglulunsad ng "Zero Campaign" ang mga sundalo laban sa kanila laluna na sa Mindanao. Nagbabahay-bahay pa ang mga sundalo upang magbigay ng mga poster at polyeto na naninira sa kanila. Sa Central Luzon, minamarkahan ng mga sundalo ng Northern Luzon Command (NOLCOM) ng "NPA, Huwag Iboto!" ang mga poster nina Maza at Ocampo.

Noong Abril 6, naglunsad ng porum ang 69th IB (mas kilala bilang Palparan Battalion) sa Philippine College of Technology (PCT) sa Bajada, Davao City. Nanawagan ang mga sundalo sa mga estudyante na huwag iboto ang Bayan Muna at Makabayan. Sinabi rin ng mga sundalo na kinukurakot ng mga progresibong partido sa Kongreso ang kanilang mga *pork barrel* para ibigay sa rebolusyonaryong kilusan at sa Bagong Hukbong Bayan.

Samantala, isang pulis ang nanakit sa mga kasapi ng Kabataan Partylist sa Cebu City. Noong Abril 10, sinuntok ni Supt. Ariel Paculto, ama ng nominado sa pagka-bise alkalde sa Cebu City na si Roger Paculto sina Remil Oliva, ikaapat na nominado ng partido at boluntir na si Bryan Laguna. Binatikos ni Rep. Raymond Palatino ng Kabataan Partylist ang ginawang pananakit at sinampahan ng kaso si Paculto. Ang mag-amang Paculto ay masusugid na tagasuporta ng anti-komunistang grupong ANAD.



**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XLI Blg. 8
Abril 21, 2010
www.philippinerevolution.net

Editoryal

Panghawakan ang inisyatiba sa napipintong pagsambulat ng krisis pampulitika


Nakaambang sumambulat ang matinding krisis ng naghaharing sistemang pampulitika. Lalong si-sidhi ang galit ng mamamayan at ang tunggal-an ng magkakaribal na reaksyunaryong paksyon sa mga plano ni Gloria Arroyo na dayain o idiskaril ang nalalapit na eleksyon. Sa harap ng malawak at malalim na kaguluhan sa hanay ng mga reaksyunaryo, dapat panghawakan ng mamamayan at mga rebolusyonaryong pwersa ang inisyatiba sa pulitika at ibayong isulong ang rebolusyong Pilipino.

Kaliwa't kanan ang mga palatandaan na nakatuon ngayon ang pagsisikap ni Arroyo at kanyang mga kasapakat sa planong pagpalya ng "automated" na eleksyon. Sa harap ito ng kahirapang ilusot ang pagpanalo sa kanyang nangungu-
lelat na manok sa pagkapresidente. Mismong matataas na upisyal ng Malacañang ang nagbabala na hanggang 30% ang posibilidad na pumalya ang dekompyuter na pagbibilang ng boto. Sa-

anman ito mangyari, maaari naman diumanong bumaling sa mano-manong pagbibilang.

Subalit ang pinangangambahan ng marami ay ang pagsangkalan ng kaguluhan sa pagbibilang na hahadlang sa proklamasyon ng presidente, bise presidente at mga senador hanggang Hunyo 30. Kapag nagkagayon, tiyak na igigiit ni Arroyo ang pagpapatuloy ng kanyang paghahari bilang "presidenteng pantransisyon."

Mas nagtutuan ngayon si Arroyo ng malaking atensyon at rekursong pangkongreso, sa sariling kampanya sa pagkakongresista sa Pampanga, at sa mga maniobra niya pagkatapos ng eleksyon. Pinababayaan na niya at di na binabahagian ng pondong pangkampanya ang mga kandidato ng partido niya sa mga pambansang antas at lokal ng pamahalaan. Nagbubunsod ito ngayon ng malawakang sama ng loob at pagkakalasan sa naghaharing partidong Lakas-Kampi-CMD. Layunin ni Arroyo na kontrolin ang bagong Kongreso upang maiupo ang sarili bilang Speaker. Gagami-



Mga tampok sa isyung ito...

Kilos-protesta sa Hacienda Luisita
PAHINA 3

Rebolusyong agraryo, umaagapay sa digma
PAHINA 6

Operation Green Hunt sa India
PAHINA 9

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com